

中興禮書

中興禮書第二百五十三卷

凶禮十八

欽宗恭文順德仁孝皇帝

小祥

紹興三十二年正月十二日禮部太常寺言今年五月二十二日恭文順德仁孝皇帝小祥依禮例諸路州軍縣鎮等處應官僚合於佛寺設位集僧道行香乞令進奏院遍牒施行詔依

三月二日禮部太常寺言欽宗恭文順德仁孝皇帝小祥欲依祖宗故事小祥日行在禁屠宰三日後係前後各一日詔依

四月三日禮部太常寺言今參酌禮例條具到合行事

件 一小祥日欲乞依禮例皇帝詣几筵行祭奠之禮  
如宮中之儀前後各不視事三日隨不視事日放臣僚  
見謝辭 一小祥前乞命輔臣至六曹權侍郎以上管  
軍臣僚正任觀察使皇親遙郡防禦使已上詣几筵殿  
奠酌乞於五月十七日十九日二十日奠酌三日 一  
小祥日欲乞俟皇帝詣几筵殿行祭奠禮畢還內次宰  
執率文武百官常服黑帶詣几筵殿行燒香禮畢次詣  
文德殿門外立班進名奉慰次進名奉慰皇后訖退赴  
仙林普濟院行香訖換吉帶退是日百司作休務假一  
日 一今來小祥欲乞依禮例自五月十七日至二十  
七日百官起居並免舞蹈 一合用御封降真香六合  
內皇帝行禮并輔臣奠酌宰執燒香共用香五合並降

付几筵殿其仙林普濟院一合降付太常寺 一几筵殿行禮并輔臣奠酌合用供養食茶酒果等乞令几筵欽奉所前期關報所屬排辦 一文武百僚詣仙林普濟院行香所有合用欽宗恭文順德仁孝皇帝位牌一座用米漆彫造青地金字書寫并蓋覆黃羅夾帕一條繫帶全并用供養茶素食花果倚卓黃羅綠搭席座子卓圓幄次手爐什物等并合差僧道及功德疏行香香圓子燈燭並令臨安府同儀鸞司製造排辦釘設乞令臨安府委官候行香畢所有位牌黃帕功德疏俟行禮畢就本院內用紙五十束并柴草焚燒詔依

輔臣奠酌儀

其日早俟几筵排辦供養食香茶酒果等訖御史臺閣

門太常寺分引輔臣并合赴奠酌文武官詣几筵殿內  
外立班定禮直官揖躬拜在位官皆再拜訖禮直官引  
班首升殿東階詣几筵香案前搢笏上香再上香三上  
香跪奠茶三奠酒執笏伏興降階復位立禮直官揖  
躬拜在位官皆再拜訖班退

百官燒香儀

其日早俟皇帝詣几筵殿行祭奠禮如宮中之儀訖還  
內次几筵殿排辦供養食香茶酒果等訖御史臺閣門  
太常寺分引文武百官詣几筵殿內外立班定禮直官  
揖躬拜在位官皆再拜訖禮直官引班首升殿東階几  
筵香案前搢笏上香再上香三上香訖執笏降階復位  
立禮直官揖躬拜在位官皆再拜訖班退次詣文德殿

門外立班進名奉慰次進名奉慰皇后訖退赴仙林普濟院行香如忌辰行香之儀訖退

大祥

隆興元年正月二十三日几筵提舉欽奉所言本殿見欽奉欽宗皇帝几筵將來大祥除撤合乘座輦與赴焚所從來未曾製造欲乞下文思院隨宜製造輦與一乘

應辦使用詔依物文思院中契七勅上禮木等製是焚

貴今參酌隨宜修製輦與應辦使用詔依物文思院中契七勅上禮木等製是焚

龍通高八尺四邊各長二丈四條中四尺一並通應辦使用詔依物文思院中契七勅上禮木等製是焚

外廟竿子二條各長二丈四條中四尺一並通應辦使用詔依物文思院中契七勅上禮木等製是焚

角龍頭四并四邊各長二丈四條中四尺一並通應辦使用詔依物文思院中契七勅上禮木等製是焚

片竿子四并四邊各長二丈四條中四尺一並通應辦使用詔依物文思院中契七勅上禮木等製是焚

用雕木明金製頭四邊各長二丈四條中四尺一並通應辦使用詔依物文思院中契七勅上禮木等製是焚

龍身并御座明金製頭四邊各長二丈四條中四尺一並通應辦使用詔依物文思院中契七勅上禮木等製是焚

單油衣造案并椅紅線檯索金魚銅竿子等並用黃  
胎明金子造遮泥轉風並用梅紅索羅棚造黃羅座綠黃  
新築屏子路二隻用欄木漆  
造內面子用紅黃素藤織造

同日禮部太常寺言檢准紹興元年徽宗皇帝大祥禮  
例諸路州府軍監各就寺觀破係省錢請僧道三七人  
建道場七晝夜罷散日設醮一座各施看經施利錢三  
十貫道士少處只依人數設醮及依禮例大祥日應官  
僚合於佛寺設位集僧道行香所有五月二十二日欽  
宗恭文順德仁孝皇帝大祥諸路州府軍監建置道場  
設醮七晝夜欲依上件禮例施行建道場合自五月十  
九日至二十五日詔依

三月十八日禮部太常寺言將來欽宗皇帝大祥檢會  
國朝故事參酌條具到合行申請事件 一大祥日皇

帝詣几筵殿除靈座時前躬親扶護几筵東南別設一  
祭祝文如遺奠之意今欲依故事施行 一大祥日前  
後各五日不視事今欲乞於五月十七日至二十七日  
皇帝前後殿不視事仍乞隨不視事日故臣僚見謝辭  
一故事大祥日皇帝行禫祭合差都大主管官一員  
主管一行事務係差近上內侍官充 一將來大祥欲  
乞依故事至日文武百僚服常服黑帶去入皇城門內  
幕次俟焚几筵訖詣文德殿門外立班進名奉慰訖退  
詣仙林普濟院幕次以俟立班行香如忌辰儀訖換吉  
帶而退 一故事大祥後間月擇日行禫祭至晦日而  
除改朔從吉今欲乞依故事於七月擇日而禫祭七月  
晦日而除八月一日而從吉乞下太史局於七月內擇



禫祭日分申請指揮施行 一永昭陵故事大祥前輔

臣等奠于福寧殿所有將來五月二十二日大祥乞依  
故事自五月十五日命輔臣權侍郎已上管軍臣僚遙  
郡觀宗使宗室遙郡防禦使以上詣几筵殿奠酌及十  
六日十七日十八日十九日一奠至二十日郡臣皆入  
奠仍乞於郡臣入奠日依故事到闕未見遺宮未謝已  
辭未發並聽隨班入奠仍於前項奠酌日分應奠酌官  
並常服黑帶去魚立班奠酌畢換吉帶退 一依故事  
自五月一日百官起居權罷舞蹈至月終 一依故事  
自十六日禁屠宰并停決大辟至二十七日 一依例  
大祥日合設獄一日所有合排辦事件乞令入內內侍  
省報大理寺臨安府排辦其監散設獄官令御藥院差

官 一大祥日百司作休務假一日 一合用御封降  
真香六合并奠醑各合用供養食茶酒果等並乞依小  
祥禮例施行 一依禮例行香合雕造欽宗恭文順德  
仁孝皇帝位牌黃帕并合用供養素食花果差僧道功  
德疏等並乞依小祥例令臨安府同儀鸞司製造排辦  
釘設施行候行香畢其功德疏文乞令臨安府委通判  
一員就仙林寺內用紙三十束監視燒所有位牌并黃  
帕等本府權行如法收奉候禫祭并禫除行香用單焚  
燒 一輔臣文武百官奠醑儀注如小祥之儀 一焚  
几筵利方下太史局差人詣定供報都大主管所取旨  
施行詔依 二十七日禮部太常寺言勘會將來五月  
二十二日欽宗恭文順德仁孝皇帝大祥除几筵時前

行奏告之禮并大祥日皇帝行祥祭禮除几筵東南別設一祭及禫祭行禮依禮例合差禮儀使一員以宰臣充各於前一日宿齋伏乞朝廷降勅差官詔依

二十八日禮部太常寺言今參酌除几筵時前禮儀使先行奏告之禮合行事件一合用祝文一首

述以大祥除几筵時

前禮儀使先奏告禮之意

及合用御封降真三合一合差讀祝文官

一員於六曹郎官內差官

一禮儀使前一日早晚上

香并時前奏告行禮合用供養牙盤食茶酒果蠟燭燎草等乞下諸司排辦其禮畢掌管焚祝文乞從几筵欽奉所指揮下本殿排辦一禮儀使讀祝文官並合前一日宿齋於都堂及本司所有御封香祝酒齋禮料祭器等欲乞於和寧門外西待漏院安設太常寺祇應人

在彼宿齋 一行祥祭禮時前先行奏告禮乞令都大  
主管所關報皇城司至日和寧門并几筵殿門並比常  
日早二刻開放令祇應人齋合排辦物件入詣几筵殿  
排辦鋪設 一合用禁衛班直親從官等乞下禁衛所  
差僧道各五十人下僧道正司差並前一日絕早赴几  
筵殿更互排立過夜約出所有禁衛裝著乞權服緋紫  
衫黃帶子其織扇從物等計會本殿見管名件執打  
一合用几筵乘座輦輿并擡擎輦官及裝著緋紫衫儀  
注全乞下御輦院差辦內輦輿令所差官計會本殿排  
辦詔依

四月十六日禮部太常寺言將來五月二十二日欽宗  
恭文順德仁孝皇帝大祥合差指引焚衰服利方尅擇

官乞下都大主管所就乞差冠擇官計會祇應所有合

焚衰服紫草乞下臨安排辦交割付所差監視官詔依

同日禮部太常寺言大祥日皇帝行祥祭之禮今參酌

比附合行事件 一合用祝文一首

祭述以大祥之意

并合用

御封降真一合帶帛一段 一合差進幣爵酒官一員

酌酒官一員乞差六曹郎官讀祝文官一員乞差史官

並各前一日宿齋於本司 一大祥并躬親扶護行禮

日依禮例親王宗室使相南班宗室陪位前一日宿齋

於宗學及踏逐到寺院 一合用上香炭火及禮畢掌

管焚畢幣火燭及草柴等並乞從几筵提舉欽奉所行

下本殿排辦 一合用牲牢羊豕各一口禮料酒齊蠟

燭燎草藉祭器席具數報臨安府排辦詔依

同日又言將來大祥是日除几筵皇帝躬親扶芻几筵  
東南別設一祭祝文如造奠之意合行事件 一合用

祝文一首

送以几筵別設  
祭如造奠之意

御封降真香一合幣帛一

段并合用禮料酒齋羊豕等及進幣爵酒官酌酒官讀  
祝文官前導太常卿贊引太常卿太常博士捲簾侍香  
捧爵捧祝版內侍等官并設御幄拜褥等並依大祥禮  
例施行 一合差扶護几筵內侍乞下入內侍省差  
一合焚几筵塼窰子乞下修內司計會尅擇官指定

修砌詔依

同日大祥除几筵禫祭都大主管所言將來焚几筵去  
處尋行下主管諸司官同尅擇禮直官相視得和寧門  
外修內司備用庫中門裏地一段堪充修砌焚几筵火

寔殿照望在几筵殿西北方詔依

二十三日禮部太常寺言檢准國朝故事大祥日衰服經杖合並焚之五月二十二日欽宗皇帝大祥日所有光堯壽聖太上皇帝壽聖太上皇后皇帝衰服欲乞依禮例差內侍官一員拘收於利方監視焚燒內文武百僚衰服欲乞各行焚燒詔依

五月六日禮部侍郎黃中等言將來欽宗皇帝大祥是日光堯壽聖太上皇帝壽聖太上皇后行禮於典故即無該載今欲乞止就德壽宮望几筵殿位行燒香禮如宮中之儀詔依

七日禮部太常寺言大祥并禫祭日所服今檢照禮例下項 一大祥日皇帝自內服衰服出至幄舉哭俟哭

止釋衰服服祥服係服素服軟脚幘頭白羅袍黑銀帶  
一禫祭日皇帝自內服祥服出至帷舉哭俟哭止釋  
祥服禫服係服素紗軟脚幘頭淺色黃羅袍黑銀帶  
一昨紹興九年徽宗皇帝大祥日所服衰服當服時係  
存留以待梓宮之還至大祥日服衰服詣幄釋衰服  
祥服行禮其衰服俟行禮畢焚燒顯仁皇后大祥日所  
服衰服當時係隨梓宮發引日焚燒至大祥日服淡黃  
羅袍黑鞋屏帶詣幄釋所服行禮勘會已降指揮欽宗  
皇帝以日易月後衰服依故事大祥日焚燒所有今來  
五月二十二日欽宗皇帝大祥日所服衰服至帷釋衰  
服服祥服行禮并禫祭所服行禮等欲乞並依徽宗皇  
帝禮例施行其合用祥服禫服并素履乞下工部指揮



文思院計會御藥院製造供納詔依

十二日禮部太常寺言大祥是日皇帝服衰服至几筵殿恆釋衰服祥服行禮其當時潛邸為欽宗皇帝所服衰服與今來合服衰服名件不同即難以別行改造契勳見今几筵殿內收奉太止皇帝為欽宗皇帝所服衰服欲乞令文思院請令付御藥院修整至日皇帝行禮供掛服著俟禮畢依已降指揮焚燒詔依

日給事中除几筵等言祭一行下都大主等所官辦致宗皇帝大祥几筵等言祭一行下都大主等所官辦致

置奠定作三節次每至禮祭儀共五節已檢照前例減定作三節次每至禮祭儀共五節已檢照前

大主近管官等各七十一匹以賜已裁得旨送後省看

契勳近管官等各七十一匹以賜已裁得旨送後省看

比內時暫行事祇應人支陳康伯竟辭經交部郎官楊民

伯已辭支賜詔令時支陳康伯竟辭經交部郎官楊民

免望昏等從亦之辭

免望昏等從亦之辭

免望昏等從亦之辭

免望昏等從亦之辭

免望昏等從亦之辭

免望昏等從亦之辭

免望昏等從亦之辭

免望昏等從亦之辭

大祥行禮儀

其日夙前興太常入陳祭器供設禮饌禁衛僧道於殿

門外并和寧門外禮直官引進幣爵酒讀祝文的酒官

執燭等官先升殿各就位立定次引禮儀使陪位官親

王宗室使相南班宗室各入就位禮儀使前導執事陪位官供進盤匱等內

侍及侍衛之官次禮直官太常博士太常卿於帷前立

定俟皇帝夙興自內服常服至苑西門帷易衰服詣几

筵殿側帷簾降皇帝釋衰服服祥服訖次禮直官太常

博士引太常卿當帷前俛伏跪奏稱太常卿臣某言請

皇帝為欽宗皇帝大祥行祥祭之禮奏訖俛伏興退復

位簾捲前導官導皇帝出帷舉哭在位皆舉哭至褥位西向

立太常卿奏請拜皇帝再拜在位官皆再拜訖內侍各

執盤匱悅中以進奏請皇帝盥手內侍進盤匱沃水皇帝盥手內侍進巾奏請悅手皇帝悅手內侍進爵沃水奏請皇帝洗爵內侍進巾奏請拭爵皇帝拭爵訖前導官前導官皇帝升詣欽宗皇帝几筵前褥位立奏請皇帝跪上香再上香三上香進幣爵酒官跪先進幣次進爵又奏請皇帝受幣奠幣執爵三祭酒於地奠爵悅伏興奏請皇帝少立哭止在位官皆哭止讀祝文官跪讀祝文訖奏請拜皇帝再拜在位官皆再拜訖前導官前導皇帝降階詣殿下褥位西向立奏請拜皇帝再拜在位官皆拜訖前導官前導皇帝歸簾降次禮直官太常博士引太常卿當帷前悅伏跪奏稱太常卿臣某言禮畢奏訖悅伏興退復位立以俟行除几筵之禮陪位官權退次

引禮儀使執事官詣望燎位立俟焚燎祝幣訖權退除  
已筵行禮儀其日焚几筵時前禮直官太常博士引太  
常卿當帷前俛伏跪奏稱太常卿臣某言請皇帝躬親  
扶護几筵奏訖俛伏興退復位簾捲前導官前導皇帝  
出帷詣殿下褥位西向立太常卿奏請拜皇帝再拜訖  
前導官前導皇帝升殿舉哭躬親扶護神御內侍分左右扶護  
至東南權安奉訖哭止前導官前導皇帝降階歸幔簾  
降次太常入陳祭器供設禮饌禮直官引進幣爵酒讀  
祝文的酒官執燭等官先升殿各就位立定次引禮儀  
使陪位官親王宗室使相南班宗室各入就位次禮直  
官太常博士引太常卿當帷前俛伏跪奏稱太常卿臣  
某言請皇帝為欽宗皇帝大祥除几筵行祭奠之禮奏

訖悅伏興退復位簾捲前導官前導皇帝出恆舉哭

在位

官皆至褥位西向立太常卿奏請拜皇帝再拜在位官

皆再拜訖內侍各執盤匱悅中以進奏請皇帝盥手內侍進盤匱沃水皇帝盥手內侍進巾奏請悅手皇帝悅手訖內侍進爵沃水奏請皇帝洗爵內侍進巾奏請拭爵皇帝拭爵訖前導官前導皇帝升詣欽宗皇帝几筵前褥位立奏請皇帝跪上香再上香三上香進幣爵酒官跪先進幣次進爵又請皇帝受幣奠幣執爵三祭酒於地奠爵悅伏興奏請皇帝少立哭止

在位皆哭止讀祝文

官跪讀祝文訖奏請拜皇帝再拜在位官皆再拜訖前

導官前導皇帝降階詣殿下褥位西向立奏請拜皇帝

再拜在位官皆再拜訖前導官前導皇帝歸幄簾降次

禮直官太常博士引太常卿當帷前佻伏跪奏稱太常  
卿臣某言禮畢奏訖佻伏興退復位簾捲皇帝出帷至  
苑西門輕易祥服常服還內次前導陪位官退次引  
禮儀使執事官詣望燎位立俟焚祝幣訖退次引親王  
宗室使相南班宗室詣殿下分左右立次引禮儀使升  
詣几筵前佻伏跪奏稱禮儀使臣某言請欽宗皇帝几  
筵降座升輦與奏訖佻伏興少退東向立次內侍伏護  
几筵升輦與輦官捧擎進行親王宗室使用南班宗室  
分在右導引禁衛援衛及僧道作法事迎引禮儀使後  
從至焚几筵處俟輦輿過退有司俟時焚訖並退

禪祭

隆興元年四月十六日禮部太常寺言將來五月二十

二日欽宗皇帝大祥畢依已降指揮間月擇日而禫檢  
准禮例禫祭日設位行禮欲乞俟除几筵畢止就几筵  
殿設位行禫祭之禮詔依

六月九日禮部太常寺言今參酌到合行事件 一禫  
祭日乞依大祥禮例皇帝前後殿不視事俟行禮畢文  
武百僚常服黑帶去魚入皇城門詣文德殿門外進名  
奉慰訖退復仙林善濟院行香立班訖次換吉帶退及  
合用供養食糧次應合排辦事件等并行香立班並如  
忌辰儀範排辦施行 一合用御封降真香一合祝文  
一首述以行禫祭之意幣帛一段并合用禮料酒齊羊豕等及  
進幣爵酒官酌酒官讀祝文官前導太常卿太常博士  
及捲簾侍香等內侍并設帷拜褥等並乞依大祥禮例

施行 一行禮日親王宗室使相南班宗室陪位一合  
用欽宗恭文德順仁孝皇帝位牌一座乞下臨安府用  
用米漆雕造青地金字書寫用黃羅夾帕繫帶製造訖  
付禫祭都大主管所下諸司收管用畢用白紙三十束  
并柴草隨位牌祝版焚燒 一行禮日百司作休務假  
一日詔依

七月十二日禮部太常寺言將來七月二十九日欽宗  
皇帝禫祭除日今參酌到合行禮例 一檢會國朝故  
事禫祭日前後各一日不坐其日不視事所有將來七  
月二十九日禫祭欲乞依故事施行 一禫祭日乞令  
文武百僚服常服黑帶去魚入皇城門幕次內侍詣文  
德殿門外立班進名奉慰訖退詣仙林普濟院立班行



香合用位牌就用大祥位牌所有供養素食花果什物  
并行香等排辦並乞依大祥禮例施行所有行香畢位  
牌黃帕功德疏乞令臨安府委通判一員就善濟院內  
監視焚燒詔依宋會要七月二十三日詔已除欽宗皇  
帝几筵所有欽奉官史諸色祇應人各  
特與一官資職止法而特與中全安節上吉檢會  
候有名目收使繼而給事金安節上吉檢會  
仁皇後除廷所有官吏各特與中全安節上吉檢會  
條回授今事同賞異乞依紹興三十一官資職止法入

禫祭行禮儀

其日夙興前太常寺入陳祭器供設禮饌次引進幣爵  
酒讀祝文酌酒官執燭等官先升殿各就位立禮儀使  
侍衛之官並常服黑帶去魚次禮直官引禮儀使陪  
位親王宗室使相南班宗室各入就位立定禮直官太  
常博士太常卿於幄前立定俟皇帝夙興自內服常服

詣苑西門幄易祥服詣禋祭行禮殿側御幄簾降皇帝  
釋祥服服禋服素紗軟角幘頭淺色黃羅袍黑銀帶素  
履訖次禮直官太常博士引太常卿當幄前俛伏跪奏  
稱太常卿臣某請皇帝為欽宗皇帝行禋祭之禮奏訖  
俛伏興退復位簾捲前導官前導皇帝出幄舉哭在位  
哭詣殿下褥位西向立太常卿奏請拜皇帝再拜在位  
官皆再拜訖內侍各執盤匱帨巾以進奏請皇帝盥手  
內侍進盤匱沃水皇帝盥手內侍進巾奏請帨手皇帝  
帨手訖內侍進爵沃水奏請皇帝洗爵內侍進巾奏請  
拭爵皇帝拭爵訖前導官前導皇帝升詣欽宗皇帝神  
位前褥位立奏請皇帝跪上香再上香三上香進幣爵  
酒官跪先進幣次進爵又奏請皇帝受幣奠幣執爵三

祭酒於地奠爵俛伏興奏請皇帝少立哭止在位官止讀

祝文官跪讀祝文訖奏請拜皇帝再拜在位官皆再拜

訖前導官前導皇帝降階殿下禡位西向立奏請拜皇

帝再拜在位官皆再拜訖前導官前導皇帝歸降次

禮直官太常博士引太常卿當帷前俛伏跪奏稱太常

卿臣某言禮畢奏訖俛伏興退復位廉捲皇帝出帷至

苑西門帷易禫服服常服還內次前導陪位官退次引

禮儀使執事官詣望燎位立俟焚燎祝幣訖退

陵名

隆興元年三月十一日宰臣陳康伯言准差臣上欽宗

恭文順德仁孝皇帝陵名臣伏以六飛北狩俄遷鼎之

告成八翼東還迺靈輻其不遠爰諏吉卜肇舉因山恭

惟欽宗皇帝稟上主之姿承累聖之序躬履勤儉宏濟艱難方錫美以垂休忽乘雲而厭世雖邑將營於寢廟會稽先葬於衣冠宜揭令名用昭罔極欽宗皇帝陵謹請以永獻為名詔恭依

四月二日禮部太常寺言檢會令諸色人立名不得犯諸陵名及文武官稱其將校則以名為戶今來欽宗皇帝陵名依上件令合行迴避乞下刑部先次錢版通牒詔依

中興禮書第二百五十四卷

凶禮十九

欽宗恭文順德仁孝皇帝

御容

紹興三十一年六月二十五日龍圖天章寶文顯謨殿  
猷敷文閣言准入內侍省押班林肇劄子降到孝慈  
淵聖皇帝御容三軸並降本閣安奉內一軸天章各一  
軸欽先孝思殿一軸係將來下宮安奉今權於天章閣  
收管本閣除已奏聞先次釘設幄殿權行安奉所有內  
中崇奉并本閣收奉等事事干典禮欲乞下太常寺差  
禮直官一員日下赴閣供具施行詔依

七月八日龍圖天章等閣言今具合行事件 一今來

收奉并安奉及權收奉孝慈淵聖皇帝御容依次序係  
昭穆於顯仁皇后之次其本閣官依禮例行燒香禮已  
後並依祖宗諸帝例崇奉 一合用御封香五合乞依

本閣例於睿思殿外庫請降至日供燒使用一本合奏告

神御一合告遷孝慈淵聖皇帝御容一本本閣祖宗

時前本閣官常服吉帶詣祖宗神御殿并內中神御殿

行燒香奏告禮畢俟時告遷孝慈淵聖皇帝御容三軸

內二軸天章閣神御殿收奉并權收奉一軸內中神御

殿安奉並依本閣官行燒香之禮 一依禮例合差援

衛親從五十人乞差革官四十八人自本閣捧擎腰輿

至祥曦殿門所有自殿門捧擎腰輿至內中神御殿乞

差供內儀鸞司一十六人乞下所屬差撥就用本處色

服本閣官後從 一所有真宗皇帝至昭懷皇后御座  
位牌乞就安奉日時前行燒香奏告禮畢捧遷趨那稍  
北以俟安奉孝慈淵聖皇容御 一所有御座位牌乞  
權用孝慈淵聖皇帝六字為名若謚號下日別文令思  
院換造 一乞下太史局選收奉安奉吉日時刻及至  
日時前告遷時并依例差尅擇官一名祇應 一合用  
花瓶麻爐香匙合炭火并腰輿杆杖衣子等並乞就令  
本閣排辦供使詔依

塑製奉安神御

隆興元年三月十一日禮部太常寺言將來欽宗皇帝  
大祥前依禮例合差官主管塑製神御於大祥後迎奉  
赴景靈宮并萬壽觀安奉今具合申請事件 一合塑

製欽宗皇帝神御容三位今欲乞依景靈宮并萬壽觀見安奉會聖宮啟運宮徽宗皇帝神御體式制度塑制仍乞令所差塑製官一面會問逐處體式制度一將來安奉神御三位其次序內一位於景靈宮徽宗皇帝神御之次安奉內會聖宮啟運宮二位依禮例權於萬壽觀徽宗皇帝神位之次安奉所有安奉帳座等事件乞令景靈宮主管所并萬壽觀預行措置施行一將來奉安神御三位各合用腰輿香案香爐匙合花瓶黃羅繖扇黃絹兩繖等乞令塑製神御所面會問景靈宮萬壽觀依昨塑製徽宗皇帝御名件製造施行一依故事於大祥前差近上內侍官一員充都大管就禁中塑製神御於大祥後擇日迎奉赴景靈宮奉安伏乞勅



降差官詔依

四月三日景靈宮主管所言今來欽宗皇帝神御安奉帳座等事件契勘景靈宮去年奉安顯仁皇后神御帳座係承指揮令修內司修製了當詔依令修內司依見安奉帳座相視修製

三十日萬壽觀言將來安奉會聖宮啟運宮欽宗皇帝神御二位各合漆帳座奉聖旨令禮部太常寺差人赴觀相視得祖宗神御殿本殿係是東向其南北各有地步一間可以各添設帳一位欲乞令本觀依自來體例一面奏告告遠以南為上於北空留二位將來安奉欽宗皇帝神御本觀契勘所合添設帳座乞下臨安府差人展造詔依

五月八日景靈宮主管所言據天興等殿申將來欽宗  
皇帝神御赴宮奉安所有本位每遇旦望節序生辰忌  
辰酌獻合用御封香表酒果食味煖紙贈等并御藥院  
供送生辰香藥每月酌獻沉香湯及忌辰道場僧道齋  
藥錢並合依例排辦每遇逐月旦望節序及生辰忌辰  
各合用御封表一封院排辦御封香一封外庫排辦每  
遇節序生辰及四孟朝獻各合用的酒獻一瓶計五升  
葷食七味係九件時果高釘五壘乾果子六楪並係臨  
安府排辦內朝獻食味係御厨排辦每月旦望各合用  
素食七味係九件係臨安府排辦遇生辰除依節序排  
辦酌獻外御藥院供香藥一分計一十貼候供獻訖回  
納本院遇忌辰合用的獻素食七味係九件高釘時果

五臺道場僧道一十四員紙贈一副並依臨安府差撥  
排辦白團紙四十束馳馬車檐四十事金銀二百錠羅  
錦四十束雜絲八十束金銀錢辦一百二十辦道場僧  
道合支齋藥錢三十貫文係隨本宮每年忌辰齋藥錢  
申戶部下左藏庫供納赴宮逐時酌獻沉香湯見今御  
藥院每月供納二十七兩充逐位酌獻今來每月合添  
供一兩每遇旦望節序生辰忌辰各合用四兩數蠟燭  
一條四孟朝獻合用蠟燭二條及遇生辰忌各合用添  
香火木炭三斤並係臨安府供納歲旦第一日寒食第  
一日中元節十月朔冬至節第一日各合添供紙贈一  
副依忌日辰數目係臨安府排辦供納詔依並令所屬  
依例排辦 二十一日景靈宮主管所言准修內司申

修置安奉欽宗皇帝神御帳座今來已行造作了當契  
勘將來安安奉設帳座聲動斧鑿妨碍東壁帳座合行  
告遷神御三位欲乞依三十一年十一月內接捧顯仁  
皇后帳座體例權行告遷神御候安設畢却行奉安其  
告遷奉安本所選日所有合用御封香亦乞依例請降  
施行詔依 六月十七日塑製欽宗皇帝神御都大主  
管所言契勘塑製神御於六月二十一日一切了畢依  
故例次日戴冠所有開光明日分合擇日取旨取到尅  
擇官狀選到開光明吉日時刻宜用六月二十三日壬  
午時宜用其日乙時吉詔依宋會要隆興元年八月二  
神御事禮至重今來了畢所差官吏掛色祇應人等並  
特與依昨塑製顯仁皇后神御事體推恩都大主管官並  
轉行兩官承受親造各與轉一官無資可轉人依例支  
止法與人特與轉行餘各與轉一官無資可轉人依例支

賜時中書樞密院與三十二年今後除軍功合推賞外  
其他推恩賞勳罷指揮奏審姑除欽宗皇帝几筵及聖  
製并奉安推恩  
外餘五雜罷

十九日太常寺言今據太史局申選到奉安欽宗皇帝  
神御吉日時刻正奉安日宜用六月三十日己丑吉告  
遷時宜用其日乙時吉正奉安宜用其日巳時吉詔依  
止奉安前一日係六月二十九日告遷權奉安時宜用  
其日乙時吉詔依同日禮部太常寺言將來欽宗皇帝  
神御於景靈宮萬壽觀奉安依禮例合前三日奏告景  
靈宮諸殿并萬壽觀聖像神御今參酌比附條具到合  
行事件一合用御封降真香乞具合用數闕入內侍  
省請降一合用青詞二首一首奏告聖祖天尊大帝祝  
一首奏告元天聖后  
文三首一首奏告宣祖皇帝至徽宗皇帝一首奏告  
憲皇后五慈聖光獻皇后一首奏告宣仁聖烈

皇太后至顯仁皇太后並述以迎奉致宗并奏告萬壽觀合

用青詞一首奏告昊天玉皇上帝聖祖祝文二首一首

會聖宮啟進宮太祖皇帝至繼宗皇帝一首奏告

安之意不一合用蒼幣五段文各長一尺一合用鵝梨法醬茶

酒果蠟燭上香炭燎草等乞依例具合數日報臨安府

排辦一奏告行事官乞具窠目申中書省降勅差官

一依禮例於正奉安前自塑製處禮儀使告遷神御

各用龍倚捧遷升腰輿親王宗室使相南班宗室前導

神御至射殿權安奉處捧遷神御入幄權奉安訖權退

禮儀使早晚上香親王宗室使相南班宗室陪位次正

奉安日禮儀使先行奏告禮訖次奏請皇帝行酌獻禮

畢權歸幄次捧遷神御升腰輿訖皇帝出幄步導神御

畢權歸幄次捧遷神御升腰輿訖皇帝出幄步導神御

出麗正門外奉辭燒香畢權歸帳次俟神御過乘輦內  
仍乞令都大主管所行下御輦院相度施行所有逐處  
合用御帳并黃羅拜褥奏請紫褥及絞縛幕帳門并自  
射殿門外至麗正門外合用露屋乞令儀警司同兩浙  
轉運司并臨安府絞縛排辦釘設 一迎奉神御奉安  
日皇帝行的獻禮今欲乞依朝獻禮例前一日皇帝齋  
於內殿 一奉安日依禮例皇帝不視事 一合差禮  
儀使一員係差宰臣 一萬壽觀奉安會聖宮景運宮  
神御宮差奉安行禮官一員前一日齋於本司欲乞差  
宰執或侍從官充 一合差都大主管官一員係就差  
塑製都大主管官詔依

二十日太常寺言奉安前三日奏告合差官並乞差宰

執侍從臺諫兩省官卿監郎官太常寺官充條六月二  
十六日絕早赴景靈宮萬壽觀宿齋至日行事畢退  
一景靈宮前殿聖祖天尊大帝聖像前奏告官光祿卿  
奉禮郎太祝太官令各一員 一後殿元天大聖后聖  
像前奏告官光祿卿奉禮郎太祝太官令各一員 一  
中殿諸帝神御前奏告官太祝各一員 一後殿昭憲  
皇后至慈聖光獻皇后神御前奏告官太祝各一員  
一後殿宣仁聖烈皇后至顯仁皇后神御前奏告官太  
祝官各一員 一萬壽觀昊天玉皇上帝至長生保命  
天尊位奏告官奉禮郎太祝太官令各一員太祖皇帝  
至徽宗皇帝神御前奏告官太祝各一員真宗皇帝至  
溫成皇后神御前奏告官太祝各一員詔依



同日禮部太常寺言迎奉欽宗皇帝神御三位詣景靈宮萬壽觀奉安今依禮例參酌合行事件 一迎奉神

御正奉安日皇帝行酌獻禮合差侍臣一員候內侍酌

茶酒畢接盃跪進皇帝乞差兩省官 一行的獻禮合

差前導太常卿并贊引太常卿太常博士乞差本寺少

卿博士如闕差以次官充 一禮儀使行奏告并正奉

安禮并萬壽觀奉安各合差太祝一員乞差太常寺官

祕書省官 一迎奉奉安合差持夾侍并遷捧神御官

掌香火官及酌獻行禮合差捲簾侍香酌茶酒執燭內

侍乞從入內內侍省差官 一景靈宮正奉安日禮儀

使行禮并萬壽觀奉安行禮共合用祝文三首以一首述

宮正奉安會聖宮欽宗皇帝神御之意一首述以權于萬壽觀

壽推正奉安啟運宮并合用御封降真香三合 一告

遷詣射殿并奉迎前一日禮儀使行事官禮直官贊者  
職掌並合宿齋所有幕次及安奉御封香祝幕次並乞  
於皇城司宮門裏內藏庫相對東廊一帶釘設內禮儀  
使於皇城司親王宗室使相南班宗室於麗正門外待  
漏院或側近寺院 一奉迎正奉安日依禮例合用儀  
鼓吹導引排立其細仗二百人乞令兵部差撥所有鼓  
吹合差人數下殿前馬步三司差撥雜攢樂人充其教  
習日分支破食錢及修撰導引詞曲等乞依昨顯仁皇  
后奉安申請到指揮體例施行內所用細仗自塑製所  
奉迎至射殿權奉處更互排立遇夜約出并正奉安日  
於景靈宮萬壽觀分差更互排立 一告遷權奉安及

正奉安奏告並各前一日致齋其幕次於景靈宮并齋殿內外及崇禋館相度釘設排辦一正奉安日依禮例百司作休務假一日并次日作歇泊假一日一奉迎正奉安日依禮例宰執親王使相侍從臺諫兩省官禮官閣門官南班宗室騎導禮儀使并奉安行禮官騎從並陪位立班係御史臺閣門太常寺告集贊引祇應都大主管官往來照管及景靈宮正奉安日合用百官陪位乞從御史臺閣門申請施行詔依

二十四日御史臺閣門言今月三十日迎奉欽宗皇帝神御詣景靈宮奉安欲乞至日集文臣應釐務不釐務通直郎以上及行在見軀寺監主簿承務郎以上職事官并武臣保義郎以上并三衛員僚赴奉迎及陪

位立班詔依

二十五日太常寺言今條具下項 一勘會迎奉欽宗  
皇帝神御赴景靈宮萬壽觀奉安前三日奏告係於六  
月二十七日行禮欲乞依禮例是日皇帝前後殿不視  
事 一勘會六月二十九日用乙時禮儀使自塑製處  
奏請告遷欽宗皇帝神御赴射殿權安奉緣是日係後  
殿朝殿日分即有相妨欲乞禮儀使至日免赴朝殿止  
令赴赴奏請告遷行禮詔依

禮儀使告遷迎奉神御詣射殿權安奉儀

其日禮儀使詣塑製所幕次俟陪位親王使相南班宗  
室詣殿下北向立定禮官引禮儀使詣欽宗皇帝神御  
殿下西向立都大主管官重行於禮儀使之後禮直官

揖躬贊拜禮儀使再拜在位官皆再拜訖禮儀使升殿  
詣欽宗皇帝神御香案前搢笏上香再上香三上香執  
笏降階復位禮直官揖躬贊拜禮儀使再拜在位官皆  
再拜訖次禮儀使詣欽宗皇帝神御前褥位俛伏跪奉  
稱禮儀使臣某言請欽宗皇帝神御降座升輿詣殿權  
安奉奏訖俛伏與降階復位立都大主管官往來照管  
贊者引陪位官分左右立次輦官擊腰輿至殿前輦官  
權退扶持夾侍捧遷欽宗皇帝神御升腰輿訖次輦官  
擊腰輿以次進行扶持夾侍分左右禮儀使後從都大  
主管官往來照管陪位官前尊儀仗鼓吹振作僧道法  
事前引禁衛班直親從官等扈衛至射殿下腰輿與駐  
禮儀使詣神御前俛伏跪奏稱禮儀使臣某言請欽宗

皇帝神御升殿降輿升座權安奉奏訖伏興稍東西  
向立腰輿升殿東階至殿上當中置定輦官權退次扶  
侍夾侍捧遷神御入帳次輦官擊腰輿退禮儀使以下  
權歸幕次俟有司排辦供養牙盤食茶酒果香火等畢  
禁衛班直親從官等排立儀仗鼓吹僧道更互振作次  
禮儀使早燒香親王宗室使相南班宗室陪位俟燒香  
畢歸次以俟晚燒香如上儀

禮儀使奏告儀

其日早俟有司於射殿飲宗皇帝神御帳前排辦供養  
牙盤食茶酒果香火等畢贊者先引太祝詣殿下北向  
立都大主管官往來照管禮直官引禮儀使詣殿下之  
東西向立禮直官揖躬贊拜在位官皆再拜訖次引太

祝升詣神御幄前之西東向立禮直官引禮儀使升詣  
欽宗皇帝神御香案前拈笏上香再上香三上香跪一  
奠祭三奠酒執笏俛伏興少立太祝拈笏跪讀祝文訖  
執笏興降復位禮儀使再拜降復位次引禮儀使以下  
詣望燎位南向立太祝位於其後俟焚祝版訖權退歸  
幕次

皇帝行酌獻禮并前導神御出麗正門行奉辭  
燒香禮及禮儀使詣景靈宮行正奉安

其日俟禮儀使行奏告禮畢儀仗鼓吹僧道權退於麗  
正門外排立以俟奉迎有司排辦酌獻牙盤食茶酒果  
香火等畢禮直官引侍臣詣欽宗皇帝神御香案東西向  
立禮直官太常博士太常卿詣御幄前北向立次御史

臺閣門太常寺分引宰執親王使相侍從臺諫兩省官  
知閤禮官南班宗室詣殿下北向立定皇帝自內服履  
袍詣御帳簾降少頃引太常卿常帷前俛伏跪奏稱太  
常卿臣某言請皇帝行酌獻之禮奏訖俛伏興復位簾  
捲前導官前導皇帝出帷詣殿下之東褥位西向立奏  
請拜皇帝再拜典儀曰拜贊者承傳曰再拜在位官皆  
再拜訖前導官前導皇帝升殿詣欽宗皇帝神御香案  
前奏請上香再上香三上香內侍以茶酒授侍臣西南  
向跪以進又進請皇帝跪一奠茶三奠酒訖奏請皇帝  
俛伏興又奏請拜皇帝再拜典儀曰拜贊者承傳曰拜  
在位官皆再拜訖前導官前導皇帝降階歸帷簾降  
前導官於帷前少立禮儀使升詣殿上西向立陪位官



權麗正門外幕次以俟騎導次輦官擊腰輿升殿置定輦官權退尅擇官報告遷時及引禮儀使詣神御前俛伏跪奏稱禮儀使臣某言請欽宗皇帝神御降座升輿赴景靈宮萬壽觀奉安奏訖俯伏興降階稍西東向立扶侍夾侍捧神御升腰輿都大主管官往來照管次輦官升殿於腰輿前立次太常卿當輦前俛伏跪奏稱太常卿臣某言請皇帝前導神御進發奏訖俛復興復位立簾捲前導官前導皇帝出帷次輦官擊腰輿以次降西階前導官前導皇帝前導神御進行禁衛班直親從官等扈衛扶侍夾侍左右禮儀使後從都大主管官往來照管前導皇帝前導神御出麗正門外少駐俟置定腰輿輦官權退前導官前導皇帝入御帷簾降有司排

辦香火等畢太常卿當帷前俛伏跪奏稱太常卿臣某  
言請皇帝行奉辭之禮奏訖俛伏興復位立簾捲前導  
皇帝導皇帝出帷詣神御香案禮直官奏請拜皇帝再  
拜訖又再奏請出三上香訖又奏請拜皇帝再拜訖前  
導官前導皇帝歸帷簾降太常卿當帷前俛伏跪奏稱  
太常卿臣某言禮畢奏訖俛伏興少立前導官退次輦  
官捧擎神御腰與進皇帝乘輦還內如常儀次宰執親  
王使相侍從臺諫兩省官知閣禮官南班宗室分左右  
騎前導禮儀使騎從都大主管官往來照管禁衛班直  
親從官等扈衛儀仗鼓吹振作僧道法事前引將至萬  
壽觀門外並景靈宮櫺星門外陪位文武百官奉迎再  
拜訖退騎導官下馬步導

如不迎拜步導官免步導並候

時禮赴殿班 禮儀使後從都大主管往來照管神御入

天興殿門由東廊至中殿下步導官權退歸幕次儀仗  
鼓吹僧道並權止輦官權退次引禮儀使詣神御腰輿  
前俛伏跪奏稱禮儀使臣某言請欽宗皇帝神御升殿  
降輿升座權安奉奏訖俛伏興詣殿下西向立次輦官  
擎腰輿升東階詣殿上置定次輦官退扶侍夾侍捧遞  
神御升側座權奉安訖次輦官升殿擎腰輿退禮儀使  
權歸幕次禁衛班直親從官儀仗僧道更互排立俟奉  
安時有司排辦香火等畢儀仗僧道並退禁衛班直親  
從官排立次太常寺先引太祝入詣殿下再拜訖升殿  
詣欽宗皇帝升御香案之西東向立御史閣臺門太常  
寺分引宰執親王使相侍從臺諫兩省官知閣禮官南

班宗室并陪位文武百官詣天興殿下再拜訖次詣中  
殿下各就位再拜立訖引禮儀使升殿詣欽宗皇帝神  
御香案之東西向立定俟尅擇官報時及引禮儀使詣  
香案前俛伏跪奏稱禮儀使臣某言請欽宗皇帝神御  
升正座奉安奏訖俛伏興退詣香案之東復位立俟有  
司遷正座訖次引禮儀使降階升殿下褥位西向立禮  
直官揖躬贊拜禮儀使再拜在位官皆再拜訖次引禮  
儀使升殿詣欽宗皇帝神御香案前揖三上香跪奠茶  
三奠酒執笏俛伏興少立太祝措笏跪讀祝文訖執笏  
興少退立禮儀使再拜訖降復位立禮直官揖躬贊拜  
禮儀使再拜在位官皆再拜訖引禮儀使詣望燎位次  
引太祝降階詣望燎位於禮儀使之後立有司焚祝板

訖禮儀使以下並倍位官班退禁衛班直親從官以次退

奉安官詣萬壽觀正奉安儀

其日迎奉欽宗皇帝神御將至萬壽觀門外行事官等奉迎再拜訖俟神御入萬壽觀行事官等權退內奉安行禮官後從經由南廊至後殿下儀仗鼓吹僧道並權止輦官權退吹引奉安行禮官詣神御腰輿前俛伏跪奏稱奉安行禮官臣某言請欽宗皇帝神御升殿降輿升座權安奉奏訖俛伏輿詣殿下南向立次輦官擊腰輿升階詣殿上置定次輦官退扶侍夾侍捧遷神主升側座權奉安訖次輦官升殿擊腰輿退奉安行禮官權歸幕次禁衛班直親從官儀仗僧道更互排立俟奉安

時前有司排辦香火等畢備儀仗僧道並退禁衛班直親從官排立次引奉安行禮官太祝入詣前殿下再拜訖次詣後殿下立引奉安行禮官升殿南向立俟尅擇官報時及引奉安行禮官升殿詣香案前俛伏跪奉安行禮官臣某言請欽宗皇帝神御升正座奉安奏訖俛伏興退詣香案之北南向復位立俟有司遷正座訖引奉安行禮官降階詣殿下褥位立禮直官揖躬再拜奉安行禮官再拜在位官皆再拜訖引太祝升殿立定次引奉安行禮官升殿詣會聖宮欽宗皇帝神御香案前拈笏三上香跪奠茶三奠酒執笏俯伏興少立太祝拈笏讀祝文訖執笏興奉安行禮官再拜訖次詣啟運宮欽宗皇帝神御前上香奠茶酒讀祝文行禮並如上儀

訖降階復位立禮直官揖躬贊拜奉安行禮官再拜在  
位官皆再拜訖奉安行禮官詣望燎位次引太祝詣望  
燎位重行立有司焚祝版訖奉安行禮官以下班退禁  
衛班直

中興禮書第二百五十五卷

昭慈聖獻皇后

遺詔

紹興元年四月十四日隆祐皇太后崩于行宮之西殿  
遺詔曰吾自履宮闈于今三紀嘗懼菲薄不足以踵先  
后之懿而格神靈之休乃晚年以來逢國多故二聖遐  
狩心常靡寧皇帝仁孝自天實同憂患雖在顛沛禮無  
缺違幸時小康還自江介方欲饗天下之養即東朝之  
安而吾節宣不時偶遇微疾遽至危憊莫能自還悵此  
兩宮遂成永訣方時艱難合行禮儀難以備舉皇帝服  
期以日易月仍不候除服御朝聽政勿以吾故妨廢軍  
國事務百官成服十三日而除諸路州軍長吏以下三



日釋服軍人百姓不用縞素釋服之後作樂婚姻並勿  
禁止斂以常服不得用金寶玉貝權宜就近擇地攢殯  
候軍事寧息歸葬園陵所製梓宮取周吾身勿拘舊制  
以為他日遷奉之便於戲生者人之暫寓死為數之大  
終甲子一周復奚所恨尚賴臣民之衆永監忠孝之心  
輔翼聖明早臻康乂存歿之際恨恨可言故茲遺誥想  
宜知悉是日軍臣范宗尹等對上于太后殿後閣宗尹  
等以次慰上哀勸甚久謂宗尹等曰喪禮固非  
素所識究但禮數當務從隆厚以  
慰朕哀慕之意宗尹等哽塞承命

赴臨

元年四月十四日太常寺言謹按國朝會要建隆二年  
故事未成服以前在京文武臣僚諸司長吏以上及近  
臣列校每日朝晡臨於宮殿其餘職官臨于宮門外成

服以後文武百官臨三日後更不入臨乞依上件典故  
詔依仍自今月十五日為始

十八日詔為雨降未止文武百官與免十九日赴朝

臨

同日神武左軍都統制韓世忠等言契勘神武左軍中  
軍兩軍自承信郎以上官約一千三百五十餘員并將  
校約六千餘人從軍各無朝服及未審兩軍文武官員  
將校各合於甚日赴甚處入臨并成服其所掛孝服合  
於甚處闕請乞指揮施行禮部太常寺狀伏覩遺誥軍  
人百姓不用縞素今既不當縞素使臣將校又係統轄  
衆兵欲乞除朝參官外統制統領官并合赴舉掛其合  
赴官所用孝服乞令逐軍開具員數報製造孝服官又

太常寺契勘兩軍文武官員等合隨百官赴殿門外成服臨詔依禮部太常寺所申餘並免赴

同日又言准尚書省劄子統制統領官並赴入臨并舉掛孝服契勘兩軍統制統領官見各管轄諸將軍馬浩瀚竊恐每日早晚赴入臨及至日成服有妨照管軍馬伏望詳酌兩軍統制統領官並免入臨所有孝服乞令就逐寨舉掛詔依

朝晡臨儀

其日報引文武臣僚立班定再拜訖班首詣香案前笏三上香執笏復位立舉哭俟哭止再拜訖退

停祀

紹興元年五月二十八日禮部太常寺狀准都省批送

下奉迎神主護從提點所申據温州連到遺詔本所竊  
慮依故事合權停宗廟饗祀其五月一日朔祭已致齋  
行禮訖所有已後宗廟合行饗祀伏乞朝廷行下太常  
寺檢會故事行下以憑遵守兼契勘每月薦新依儀不  
出神主合與不合權停送禮部同太常寺討論今檢會  
紹興元年四月十六日尚書省劄子禮部太常寺檢會  
景德四年故事禮院上言准禮例唯祭天地社稷及諸  
太祠其太廟及中小祠並權停候園陵畢日仍舊所有  
今來大行隆祐皇太后崩欲依前件故事候攢殯畢仍  
舊兼契勘四月二十三日孟夏朝獻差官并詣聖祖前  
分詣行禮亦合權罷奉聖旨依今討論薦新自合依朔  
祭饗廟權停候祔廟畢依故事仍舊祭五饗舉行朔祭

薦新行事劄付禮部依討論到事理

禁樂

紹興元年六月七日禮部太常寺言今具下項 一合  
自六月十一日啟橫日在州禁止音禁至將來祔廟禮  
畢仍舊 一將來迎奉虞主赴溫州經過州縣鎮依故  
事禁止音樂俟過本處仍舊內溫州合自虞主到日至  
祔廟禮畢仍舊詔依

二年二月十五日禮部太常寺言檢會國朝會要明德  
皇后小祥禁止京城音樂七日所有四月十五四日昭慈  
獻烈皇后小祥欲乞依故事外仍乞在外州軍等並禁  
樂一日於佛寺行香詔依

十二月九日禮部太常寺言檢會明德皇后并諸后大

祥故事禮例在京禁樂十日禁屠宰一日所有來年四月十四日始慈獻烈皇后大祥欲乞並依前項故事外其在外州軍等並乞禁樂三日禁屠宰一日至日於佛寺行香詔依

造梓宮

紹興元年四月十五日詔都大監領喪事提點支費差李珪提點諸司差陳永錫造梓宮差楊公弼

同日內侍楊公弼言准勅差都大監領喪事造梓宮所有天盤囊網合用真珠結造竊慮應副不前乞下越州收買藥玉珠子充詔依

同日詔令修內司於行宮門近西日下權開門一所入出梓宮候事畢即時修築如舊

同日皇城司言已降指揮於行宮門近西權開門入出梓宮所有應干一行事務未審合與不合經由本門入出詔應緣一行事務並經由權開門入出

五月九日太常寺言依故事合修製大昇輦舊例係少府監修製本監已罷今欲乞下工部指揮所屬計會造梓宮官司量大小隨宜修製大昇輦及依故事係太尉持節導梓宮所有合用節亦乞令所屬修製詔依

十七日工部言製造大昇輦據文思院等處申到下項  
一文思院狀契勘所造大昇輦據作頭計料得橫闊一丈八尺五寸權減竿子二條尚闊一丈三尺五寸今來喪葬作頭已再行相度裁減高一丈一尺五寸擎起離地二尺通高一丈三尺五寸若行隨宜將殿屋子脫

卸造作其殿子至柱肩係高四尺除去四尺止高七尺  
五寸擎起離地二尺通高九尺五寸本院即不見得脫  
卸礙與不礙故例條法乞下太史局太常寺契勘一  
太史局契勘大昇舉遇到門橋底下窄狹去處權令脫  
卸候過却行安卓於陰陽經書別無妨碍一太常寺  
契勘將來大昇舉權令脫卸候過低下窄狹去處卸行  
安卓於典禮別無妨碍一橋頭頓遞使司據文思院  
申見造大昇舉高一丈一尺五寸擎起離地二尺通高  
一丈三尺五寸兩傍用竿子六條通闊一丈八尺五寸  
契勘越州城裏門橋坊巷城外橋梁道路例皆窄狹竊  
慮大段去拆民屋及補貼道路所用工物浩瀚及發引  
日逼促難以辦集今據喪葬作頭稱既道路窄狹其竿



杖如用海船上稅干止用四條上項高下闊若狹行隨  
宜裁減委是省費詔依

大斂

十六日中書門下省言大行隆祐皇太后大斂合差行  
事官取到太常寺狀檢會禮例大斂時前行祭告之禮  
係監護使行禮今來未准差到監護使乞差都大監領  
喪事官行禮所有合排辦供養香茶酒果祭食等係諸  
司排辦詔依

同日太史局言今選大斂破服宜用四月十七日癸未  
吉時宜用其日丁時吉詔依

同日中書門下省言大斂入梓宮錫器下項注椀一副  
盤盞一十副茶湯盞托各一十副果楪五十片湯瓶一

隻熟水椀子一隻果壘五隔匙筋二副食罌子一箇椀  
碟一十副洗漱一副照臺粒合一副湯茶筒子各一箇  
匙子全煖椀二箇藥盤子一面藥啞子全筆硯匣一副  
詔令陳汝錫日下應副

大斂時前祭告儀

其日俟排辦訖大斂時前都大監領喪事官詣香案北  
向再拜訖指笏上香再上香三上香跪執盞酌茶三奠  
酒執笏俛伏興少立俟陰陽官讀祝文訖再拜訖俟時

大斂

成服

紹興元年四月十五日太常寺言謹按國朝會要乾德  
元年十二月故事皇帝初發哀服素紗軟脚幞頭白羅  
衫黑銀帶成服即服齋衰布頭冠幞頭大袖襪衫裙袴

腰經所有今來皇帝為隆祐太后崩於格係齊衰期合依上件故事製造衣服伏乞下所屬製造如製造未了赴臨啟乞權服期日之服詔依令文思院日下製造

同日詔朕遭時艱危兩宮北狩實賴隆祐皇太后母儀天下保佑朕躬菲德寡祐奄臻禍變伏讀遺詔貶降禮儀固宜仰遵慈儉之訓爰念道君皇帝繼統於哲宗而靖康垂簾授位於冲眇中更苗劉之變尤高社稷之功雖正隆名未極大養非盡尊崇之典曷昭仰報之誠隆祐皇太后應干典禮可比擬欽聖憲肅皇后故事令有司討論詳定以聞朕以繼體之重當從重服以稱孝思之意故茲詔示想宜知悉

二十二日太常寺言昨緣道江典籍散亡所有欽聖憲肅皇太后故事無從檢照今將本朝會要及實錄所載皇太后並曾經垂簾太后故事參照從厚中請俟將來

一訪得上件故事所有應于合行典禮  
一切遵依今來手詔比擬施行詔依

同日尚書右僕射范宗尹等言伏奉詔書以隆祐皇太后奄棄東朝聖心悼慕務極追崇及念繼體之重欲從重服以稱孝思之意德音始布行路之人無不感泣竊惟隆祐皇太后逮事宣聖仁烈皇后欽聖憲肅皇后而中更險艱無所不有意者天實為之脫靖康寇敵邀請之禍以遺我宋社稷無疆之福乃自遭家多難用能再安社稷保祐聖躬使陛下當炎德之中微舉神器於幾隆太后之力為多宜乎陛下自即位至今恭儉節用菲食惡衣未嘗不為太后正隆名極大養而異時有司之吝誤及東朝則陛下玉色愀然訓亂惻怛此見羣臣之所親見不待家至戶到而天下之所共知者及茲禍

變仰揆聖心欲報之德豈有限極然而群臣之議以謂  
 四海內以且延頸跂踵日望二聖鑾輿之還以觀陛  
 下問安視膳布大喜于天下而今者乃或重服臨朝此  
 誠羣臣之所不忍見而陛下不可以不念也伏望皇帝  
 陛下稍抑聖情由從人欲遵遺誥以彰隆祐皇太后慈  
 儉之訓服期服以慰百辟卿士惓惓愛君之心其餘事  
 干典禮恩及外家苟可以比擬先后奉承明詔者臣等  
 在廷敢不畢慮竭誠仰稱陛下孝思之心俯答四海祈  
 願之意奉批荅省表具之朕惟隆祐皇太后體柔明之  
 德履屯否之期擁佑朕躬厥恩甚大昊天不弔奄棄宮  
 闈追攀無從欲厚之報雖喪與其易也寧戚固合從隆  
 然禮情為之節文又當知變封章來上有概予心勉奉

遺音茹哀何極所請宜允

同日臣僚上言伏覩手詔陛下以大行隆祐皇太后於艱難之際社稷之功凡所追崇務極隆厚而聖懷猶以為未也又欲為重服以報之中外傳聞莫不感泣以此天下民德歸厚坐可期矣甚盛德也然臣聞先王之制自三年之喪等而下之為期為大功為小功為緦麻皆稱情而立文重者不可損輕者不可益也自天子達于庶人所共由之百王以來未之或改今隆祐皇太后於陛下伯母也法應服期而又欲重之竊恐典禮無據於人情之所諱避者有所未安伏望睿慈深抑至情勉遵禮訓服期之服以日易月如遺誥之言不勝萬幸又臣僚上言伏覩遺詔方時艱難合行禮儀難以備舉皇帝

服期以日易月仍不候除服御朝聽政又奉手詔朕以  
以繼體之重當從重服以稱孝思之意臣等恭讀遺詔  
則謙慈之心周密之慮固已合於禮經宜於時事有同  
訓典未易改易陛下追崇恩禮務極孝誠尚以期制為  
輕存降重之詔雖改薄從厚將以風厲四方實為盛德  
之事然捨輕從重格之先王禮儀有紊隆殺之節今遺  
詔服期之制已應典禮伏望皇帝陛下少抑聖情俯就  
中制以為天下後世之訓伏候勅旨勘會近文武百官  
奏請乞遵遺詔服期服奉批荅所請宜允詔劄與陳院  
同日太常寺狀契勘諸路監司州軍縣鎮長吏以下依  
禮例合服布四脚頭條條直領襖衫上領腰經不盤麻朝脯臨  
三日除之劄付禮部依所申鏤版於遺詔前一就班行

同日又言謹按國朝會要建隆二年故事成服中書門下文武百官諸軍副兵馬使以下並服布四脚直領襪衫腰經外命婦布蓋頭帔裙衫所有今來成服日外命婦依故事合成服外其故事即不該載入臨未審今來合與不合入臨勘會朝廷自多事以來應于禮儀外命婦並不預劄付太常寺

同日又言准尚書省劄子所有內人孝服已係都大監領所製造外所有宰執百官舉掛衣服未審合係是何官司製造劄付太常寺契勘故例本寺勘會依故例除宰執衣服係製造供送其餘百官孝服欲下越州製造孝服官製造給散詔依

同日添差通判越州趙公竑言依准尚書省劄子指揮



製造宰執百官孝服除宰執衣服係所差製造孝服官  
供送外百官孝服係製造孝服官各給布一匹今更欲  
自侍從官至寺監丞簿及管軍五軍都統制閣門內侍  
官并大行隆祐皇太后殿內人官吏諸色祇應入孟宅  
骨肉並製造各令前來請領給散其餘諸軍統制統領  
官及寄居待缺陞朝官等主管喪事一行官吏等欲乞  
依故例給布一匹詔依

十六日大史局言今選定收髮掛服宜用四月二十二  
日戊子吉時宜用其日丙時吉詔依

同日太常寺言謹按國朝會要景德元年故事成服日  
百官入詣萬安宮臨訖移班奉慰皇帝成服後未聽政  
前百官並詣萬安宮進名起居俟聽政之後並詣崇政

殿起居所有今來成服日文武百官臨訖立班如成服前儀移班於常御門外奉慰如成服日後未聽政日參官並殿門外進名起居詔依

同日中書門下省言契勘兩省都錄事並係已有正官今來成服未審合與不合趁赴勘會逐入見趁辦喪事一行文字竊慮妨廢職事詔並免赴

十七日樞密院言成服日百官於所屬閣請孝服所有樞密院副承旨已下及機速房保義郎已上人未有指揮詔依已得指揮行

同日禮部太常寺言為持服孟忠厚見丁母憂係衰服今來大行隆祐皇太后係期服至日舉掛難以捨重從輕欲乞用衰服行事後批送禮部太常寺指定申尚書

省契勘欽聖憲肅皇后升遐故例其二弟服衰服三年之喪今來大行隆祐皇太后崩文武百官並服期服其孟忠厚所乞稱難以捨重從輕乞用衰服行事今勘會欲依欽聖憲肅皇后故例令本官服衰服若入皇城門權易墨衰由權開門入出所有逐七百日止合在家設位行禮取到禮直官狀勘會百官未掛服日前若孟忠厚入臨合權易墨衰若在掛服日趕赴即合於當日掛服時內於權開門外便服衰服入赴立班詔依

同日太常寺言除文武百官列校等本寺已依故事擬定所服外所有御前禁衛行門班直親從快行親事輦官皇城司親兵等見服色纈背子勘會自來車駕臨奠禮例其禁衛等係權去色衣紅帶今參酌比附上件禮

例欲乞成服日前項禁衛等權令免纈背子令服青紫或褐衫帶子候釋服日依舊兼契勘合自成服日至釋服日前如遇朝殿亦服青紫或褐衫帶子詔依

二十日太常寺言勘會四月二十二日丙時掛服是日俟時皇帝成服并文武百官掛服訖故事其日皇帝詣大行隆祐皇太后靈座前行祭奠之禮今具合行事件

一合用御封降真香一合乞下入內侍省取降

一合用祝文一首

述以皇帝為大行隆祐皇太后崩成服訖祭奠禮之意

乞下學

院修撰書寫進書 一合差讀祝文官一員乞於史官

內差 一合差侍香并進茶酒捲簾舉祝版內侍乞下

人內侍省差 一合用香案鈔鑪盆臺等並乞監領

喪事所指揮所屬排辦 一合用御帳施簾於大行隆

祐皇太后殿側隨地之宜并合用御座黃拜褥并奏請

紫褥乞下儀鸞司釘設排辦一合差定時尅擇官二

名乞下太史局差外一名于殿內一名于門一至時如遇

雨降泥淨乞令文武百官止於門外候時掛服訖隨地

之宜權立止乞宰執及文武臣侍從官武臣觀察使以

上起赴立班仍乞監領喪事所指揮所屬就見結縛席

屋相接量行添展至本殿門詔依自後每遇合用者係

祀文青詞表文係學士次修撰進奠禮奉迎奉辭虞主大祥除几筵神御進發的欵行

禮差格原侍香等內侍并儀司于逐處釘設御帷花原排辦拜褥奏請紫褥並仿此

五月二十七日禮部太常寺言將來靈駕發引日百官

於城外奉辭依故事並服孝服所有自成服後文武官

至行在者依故事不當別造孝服止合公服黑帶倍位

望恭惟皇帝陛下追懷大養永惻深哀道允協於宣光  
行弗遺於曾憫雖宵衣旰食已聞庶高宗御名之必親而就  
日望雲未容百辟之咸造蓋不獨缺臣下寅恭之體亦  
何以慰寰區祝頌之心伏願裁無益之悲降甚卑之聽  
號頒渙汗回獨斷於一言位正離明示常尊於萬國奉  
批答省表具之傳曰喪事欲其縱縱爾故鬻爾則野所  
以辟不懷也服既不能遂服以畢期年之哀顧裁閱旬  
日即負扈以見群臣而忘恩之報天下其謂朕何使座  
疇咨治固無壅必御正宇誠非所安所請宜不允

五月三日范宗尹等言伏為近上表恭請皇帝御殿伏  
奉批答所請亦不允者遵太母之遺言已畢服期之禮  
覽群臣之瀝懇未便當宁之儀重貢忱辭冀回淵聽伏

以大行隆祐皇太后確守慈順備更艱險厚德貫於四  
朝休功存乎萬世禍亂靡定每憂北狩之勞壽祿奄終  
遂棄東朝之養屬陛下莫急於興復勉陛下莫先於儉  
勤蓋知軍國之重務方繁且謂歲時之易遷可惜倘欲  
厚加於圖報孰如亟濟於舍生若從徇無益之悲則遂  
缺有常之典朝紳傾竦所宜衆欲之必從法座顛昂豈  
可久虛而不御恭惟皇帝陛下哀感道路孝通神明雖  
有家刑邦欲示斯民之訓而以日易月勉循有國之規  
既踰祥禫之規當節悲憂之念惟安全二百年之宗社  
是為酬皇太后保佑之恩惟涵養三萬里之農桑所以  
資皇后太升遐之福宜肅仗衛於神陛用昭班爵於廣  
庭四海九州方向風而麇至百工庶尹佇就日以鳧趨

願少屈於宸衷庶舉諧於輿望奉批答省表具之朕嗣  
守洪業五年于茲其在危疑之中所以扶持而安全之  
繫太母之力日冀光復旋駕就京正東朝之儀極天下  
之養而慈訓中集絜然典依茲朕用摧劓于中而悼其  
志之弗遂也今甫易月之制爾乃欲釋哀御朝遽見百  
辟雖有彝章可考豈朕所忍哉所請宜不允

五月五日范宗尹等言伏為累上表恭請皇帝御殿伏  
奉批答所請宜不允者祥而廓然當抑情而協禮朝既  
矣盍揆事以從宜宣誠微而未感怡於情衷或辭拙  
而不明切於先務何重煩於溫訓而尚闕於俞音方夙  
夜以久懷敢再三而瀆聽罔避干誅之罪庶垂從欲之  
仁臣等聞行以孝為先禮以時為大帝王之孝固不同



於匹夫干戈之時亦有異於平日矧本朝之舊章可考而太母之遺訓具存參稽服屬而明親踈斟酌節文而權輕重漢家之典有易月既已過哀戴禮之經在斷恩可為無憾雖聖永慕而難奪然天步未復而多艱念兩宮厭於遠狩而懷歸安得愆期而致毀顧萬姓困於倒垂而望解豈容過制而廢朝且濫於孝者隨全孝之名而失於時者乘濟時之實亦既親於庶政曷尚闕於異儀故勤叩而未從不以屢却而但已群臣情懇懇誓將日造於彤廷萬目顯顯亟欲天臨於黼座伏惟皇帝陛下聖能達節道貴適中日昃而食如文王繼三十世之大統夜分而寐如光武當二百年而中興豈徇如剡之悲而忘若厲之念宜降十行之細劄亟朝百辟於大昕

不特憇黎元之懷亦以破奸宄之慮臣等同義艱險職奉訐謨顧辨色而歎九閣已竭拳拳之請冀向明而臨萬寓俾瞻穆穆之光奉批荅省表具之朕惟先王之於受紀因親踈隆殺之宜而制為之極行道之人皆弗忍也今慈訓日遠與其追不及之養而致無窮之哀孰若安社稷奉遺言而全天子之孝哉群公之請至于再三敢循至情以墜彛制所請宜允

五月六日太史局言今選定御殿吉日宜用五月九日甲辰吉詔依

同日御史臺言勘會元上表請皇帝御殿係文武百僚今來皇帝御殿乞用朔參官趁起居詔依

同日閣門言勘會文武百僚宰臣已下請皇帝御殿自

來係御前殿正朝皇帝服履袍坐宰臣已下並舞蹈起居今來車駕駐蹕日逐朝參止依後殿坐儀許日參官赴起居今來御殿即與常日事禮不同今擬定將來御殿儀注如左

其日皇帝出宮禁衛班直親從等迎駕自贊四拜起居

後兩拜宰臣執政官侍從並朝參官赴起令四拜起居

所有應奉官并管軍正任等並依常日班次亦令四拜

起居先兩拜起居班首不離位躬奏聖躬萬福又兩拜

依儀制隨拜三省密院升殿奏事如儀其日不引見謝

三呼萬歲辭上殿并雜公事候班絕奏事退舍人奏門外無公事

皇帝起還宮詔依

殿攢

紹興元年五月三日太史局言承尚書省劄子都大監  
領喪事所契勘已大斂掛服了當依故事合行攢殿伺  
候修奉所有今來殿攢日時未敢便行供選詔令太史  
局選定日時申尚書省今選定日時如後 一殿攢祭  
土並宜用五月七日壬寅吉時宜用其日丙時安攢於  
時前二刻祭土前一刻興梓宮並吉 一殿攢方位宜  
於見安梓宮處正北偏癸位吉詔依

同日都大監領喪事提點支費李珪言已選定今月七  
日殿攢據喪葬作頭狀合用擎梓宮力士等契勘昨大  
斂係差輦官一百人入本殿門擎擡頭宮作頭一名照  
管所有今來殿攢合差作頭一人都大團頭二人力士  
一百二十人詔作頭團頭依此差力士差輦官代

按地差總護使并按行使詳見修本攢宮門

紹興元年四月二十九日攢宮總護使李回言按行使梁邦彥狀據太史局申於東南利方踏逐到越州會稽縣上亭鄉上許里上舉村姓韓姓潛人地內堪作大行隆祐皇太后攢宮依本局陰陽經書及與國音別無妨礙乞差官前去覆按者契勘園陵故例合差官覆按又據太史局狀自五月一日至二十日內惟有初三日破地用之為吉今來覆按官須於初一日起發前去詔差楊公弼將帶太史局不干礙人前去覆按須管日下往

回

五月二日內侍楊公弼言今依應躬親將帶太史局差到二宅并都毫寨官合千人等前去覆按到下項

一

太史局狀今於所封穴處看詳地段內其地東南天柱  
壽山強盛及陽氣三男豐厚子孫之位相連山岡地形  
滋榮地土黃潤水出於西北遠流若用堪作殯宮及攢  
宮穴位相去約五十餘步西壁及東南各有小塚墓依  
經若在百步之內合行挑去他處所埋與國音別無妨  
碍 一會稽縣上亭鄉保申狀其地係會稽縣上亭鄉  
上亭村上許里青山村白標棧其攢宮心正係州居戶  
韓俊良地段所有地段內栽種杉木約及二十年其地  
東至莊元聚地西至潛瑁地并路南至路并陸學士山  
地北至潛通山地攢宮地東南并西南有墓各一攢宮  
地東南有井一口南北有井二口 一塚寨打量得東  
北地平至水面深一丈二尺石作供到狀梓宮藏子底

板至蓋條石明深竇一丈三尺詔可用覆按到地修奉  
攢宮仍仰楊公弼疾速興功須管日近了畢

同日太常寺言攢宮下手依故事合行祭土其行禮官  
亦依故事係按行使行禮今據太史局選定祭土破地  
宜用五月三日戊戌時吉宜用其日丙時祭土破地吉  
詔依

五月十九日按行使梁邦彥言攢宮令先次按行祭土  
破地行禮了當緣將來修奉攢了畢所有按行瑩城一  
節未審合與不合別行差官唯一復就前去太常寺狀  
勘會將來修奉攢宮了畢即合差官詔依仍仰梁邦彥  
一就前去

修奉攢宮

紹興元年四月十八日詔撥宮修奉官差韓世忠同修奉官差馮益

四月十九日太常寺言檢照祖宗以來皇太后喪事合置園陵等五使緣近降遺詔係權宜擇地撥殯欲乞止命大臣一員總領撥殯一行事務所有使名稱呼乞自朝廷指揮外餘俟他日遞奉差置五使以盡推崇之意詔撥宮總護使差同知樞密院事李回橋道頓遞使差刑部尚書胡直孺候遞奉日依故事差置五使

同日同知樞密院使李回言謹按章獻明肅太后山陵先以入內內侍省內侍押班盧守勲入內內侍省副都知閻文應為按行使次以東染院使幹當皇城司岑守素為修奉都監殿前都虞候鄭守忠為修奉總管然則



按行瑩域與修奉營繕是為二事今來攢宮其先按行擇地合與不合別行差官或一就委韓世忠幹當詔攢宮按行使改差梁邦彥都大監領喪事改差馮益攢宮修奉總管改差韓世忠修奉都監差楊公弼

同日總護使司言勘會修奉攢宮合用採琢石段計置修葺材植等依故例合添差本路漕臣一員詔依

五月二十三日攢宮總護使言契勘故例合差五使分掌職事今來雖係攢宮緣本司獨行總領理合專委屬官分掌事務幹辦乞於文武官內不以有無拘碍指名選差十員內四員專一掌文字禮儀儀仗修奉六員充幹辦事務並從本司踏逐指差及差點檢文字二員行遣文字六人書寫十人並三省樞密院諸房人內選差

詔依

五月二日攢宮總護使李回言勸會建中靖國元年修奉欽聖憲肅皇后陵寢使司差掌殿表官一員今來本司欲乞差置詔依

同日太常寺少卿蘇遲等言檢照孝明皇后園陵元宮之制下深四十五尺上高三十尺陵臺再成四面各長七十五尺神牆高七尺五寸四面各長六十五步四神門南神門置乳臺鵲臺石作宮人等今契勘國朝禮例園陵既有元宮深淺陵臺制度今伏覩遺誥權宜就近擇地攢殯候軍事寧息歸葬園陵看詳將來修奉攢宮未合比附園陵禮例修奉切慮只合隨地權宜修奉詔依

五月十二日攢宮總護使李回言勘會近據修奉所申  
參詳開塞道路除於攢宮西北國音生氣之方許通行  
出入道路外餘方道路並合禁止其所禁止遠近步數  
乞下太史局衆定及令禮直官依禮例前來定奪尋行  
下指定據太史局狀所有禁止四至合自攢宮禁止百  
步太常寺狀檢會明德皇后故事在京安肅門外權攢  
即不該載所禁四至合依明德皇后故事臣契勘今來  
遺詔權宜就之擇地攢殯切慮不須禁止詔令總護使  
司差屬官一員前去相度具狀申尚書省五月二十八  
使李回言據總護使司幹辦官管適可中躬親前去攢  
宮相度禁止四至事今相度得今來攢宮雖是權宜攢  
殯緣係選擇吉地入土深固即與平糞及淺土事體不  
同既門牆殿宇儀制畧循即內外理合嚴肅且如士庶  
之家墳墓亦宜有禁地視官品高下為遠近有至八十  
者今若攢宮棟蘇外使無禁止非惟樵木往來有失厥

本祇無兼既無約未即辨人動土伐木恐于隄防家禁  
忘不無拘碍今相度欲依太史局所定自置宮心四里  
各以小百步為禁地所有百步內見有舊坊四所皆復村  
鄉五民所築並無封城今人就近指示方見形似兼益  
在五十步之外不誤更令遷改及有居民四家並復若  
村看山園莊屋小民所居各在八步之外相度若  
今依舊看上向外開門出入今復不得動土掘  
創蓋屋舍及別有安攢坎墓即與太常寺及太史局所  
定蓋屋舍及別有安攢坎墓即與太常寺及太史局所  
碑誌依

五月十五日攢宮總護使李回言勘會諸陵自來合差  
都監香火官各一員陵內外巡檢官各一員奉先兵士  
五百人今來攢宮見修興工將見就緒其官兵並未嘗  
差置詔攢宮置都監兼香火官一員令內侍省選差攢  
宮內外置巡檢一員朝廷差人仍令越州差禁軍一百  
人每歲一替充巡檢下防守使用六月一日內侍省狀  
兼香火官一員令本省選差勘會自來即  
不係本省案關合屬入內內侍省差詔依

五月十六日攢宮總護使李回言攢宮神圍獻殿等修奉所彩畫到圖本神圍步數窄小太史局官供先標定方二十五步今來展作方三十五步庶合經法詔依此修奉

五月十七日禮部言據太史局申檢會園陵故事詔內侍興少府監製造十二神等今來攢宮內合用神殺等欲乞指揮工部下所屬製造十二神係元神一十二尊五方神五尊以五方色裝造蒿里老清道官各一尊各立高一尺二寸當壙神當野神各一尊各立高三尺祖司神祖明神天闕神地軸神仰觀神仰面神伏聽神各一尊各立高一尺二寸五穀倉係小屋一座儀瓶一箇係磁瓶金鷄一隻立高七尺玉犬一隻立高四寸橫長

七寸倪魚一箇橫長一尺五精石五塊係青赤黃白黑  
大小不等皆須圓靜并合用河水漿水酒各一瓶乞下  
越州應副詔依

五月十八日攢宮總護使李回言修奉所據監都監壕  
寨狀申見修奉攢宮今已開掘深一丈一尺下有水即  
行填壘實係深一丈五寸取到天文二宅官狀下深一  
丈五尺係正吉數其地深淺如不及尺以寸代之實深  
一丈五寸係一丈五尺詔依

五月二十八日禮部太常寺狀攢宮修奉所申見修製  
神門獻殿合安排是何名色牌額乞下所屬討論劄付  
禮部同太常寺討論申謹按明德皇后故事攢宮即不  
該載名色牌額伏覩近降遺誥權宜擇地攢殯既曰權

宜即非久遠稱呼合依明德皇故事不置牌額劄付禮部依所申

五月二十九日攢宮總護使司言幹辦勒太史局議定若經攢宮見修置神門外道路出入有無妨礙據二宅官狀衆議定奪到籬寨南橋星門并籬寨外西南道路若將來用此道路梓宮經由過籬寨橋星門即無妨碍候攢殯了日却行補種籬寨西南道路其籬寨南橋星門封閉禁止不得出入及契勘籬寨正北橋星門係已後合出入外其道路宜向西北方更不須修置門戶即與陰陽經書及與國音別無妨碍詔依

六月十六日中書門下省言勘會寶山證慈禪院已降指揮充攢宮修造香火未經賜額度僧詔以秦寧寺為

額每歲度僧一名

八月六日禮部言准都省批下攢官司狀為泰寧寺充攢宮修奉香火寺乞依諸陵故例隸屬都監送禮部勘當申尚書省本部尋下太常寺勘當欲比附諸陵體例將上件修奉香火寺隸屬官司詔依